



THE IMPORTANCE OF THE INSTITUTION OF MEDIATION IN THE CONDUCT OF EXECUTIVE WORK

Khasan Murotovich Kabirdjanov

Master's student

Academy of Law Enforcement of the Republic of Uzbekistan

Tashkent, Uzbekistan

ABOUT ARTICLE

Key words: executive proceedings, state bailiff, mediation, alimony.

Received: 21. 06. 24

Accepted: 23. 06. 24

Published: 25. 06. 24

Abstract: This article analyzes the current situation of using the institution of mediation in ensuring the execution of court documents with statistical examples, and offers the advantages of using this institution more widely.

ИЖРО ИШИ ЮРИТУВИДА МЕДИАЦИЯ ИНСТИТУТИНИНГ АҲАМИЯТИ

Хасан Муротович Кабирджанов

Магистратура тингловчиси

Ўзбекистон Республикаси Ҳуқуқни муҳофаза қилиш академияси

Тошкент, Ўзбекистон

МАҚОЛА ҲАҚИДА

Калит сўзлар: ижро иши юритуви, давлат ижрочиси, медиация, алимент.

Аннотация: Мазкур мақолада суд ҳужжатларининг ижросини таъминлашда медиация институтини қўллашнинг бугунги кундаги аҳволи статистик мисоллар билан таҳлил қилиниб, ушбу институтни янада кенг қўллаш афзалликлари тақлифи берилган.

ЗНАЧЕНИЕ ИНСТИТУТА МЕДИАЦИИ ПРИ ВЕДЕНИИ ИСПОЛНИТЕЛЬНОЙ РАБОТЫ

Хасан Муротович Кабирджанов

студент магистратуры

Академия правоохранительных органов Республики Узбекистан

Ташкент, Узбекистан

О СТАТЬЕ

Ключевые слова: исполнительное производство, государственный судебный пристав, медиация, алименты.

Аннотация: В данной статье на статистических примерах анализируется современная ситуация с использованием

института медиации в обеспечении исполнения судебных документов, а также предлагаются преимущества более широкого использования этого института.

КИРИШ

Ўзаро низоларни тинч йўл билан ҳал қилиш қадимдан миллий қадриятларимизнинг асосий тамойилларидан бири сифатида келган бўлиб, ушбу муносабатларнинг ҳуқуқий механизми 2018 йил 12 июнда Ўзбекистон Республикасининг «Медиация тўғрисида»ги Қонуннинг қабул қилиниши билан расман яратилиб, ушбу қонуннинг амал қилиш соҳалари каторига оилавий ҳуқуқий муносабатлардан келиб чиқадиган низолар ҳам киритилди.

Бирлашган Миллатлар Ташкилоти уставининг 33 – моддасида ҳам низони ҳал этишнинг муқобил воситалари, яъни медиация (воситачилик)ка алоҳида эътибор қаратилган. Бу борада Европа Парламенти ва Кенгашининг 2008 йил 21 майдаги ЕИ 2008 (52) директиваси ҳам тўхталиб ўтади ва тарафларнинг ташаббуси билан низони ҳал қилишга устуворлик нуқтаи назаридан қарайди.

АСОСИЙ ҚИСМ

Ўзбекистон Республикаси Президентининг 2019 йил 12 мартдаги “Суд ҳужжатлари ва бошқа органлар ҳужжатларини ижро этиш самарадорлигини янада ошириш чоратадбирлари тўғрисида”ги ПҚ–4236-сонли қарори билан 2019 йилнинг 1 апрелидан эътиборан ижро иши юритувига қонунчиликдаги яна бир янги соҳа бўлган медиация институти татбиқ этилди.

Қарорга мувофиқ, ижро иши юритиш жараёнида медиация тартиб-таомилини амалга ошириш ундирувчининг аризаси бўйича ўн беш кундан кўп бўлмаган муддатга ижро иши юритишни тўхтатиб туриш учун асос ҳисобланиши, томонлар ўртасида ижро предметида доир келишувга келмаслик, шунингдек, томонлардан бирининг медиацияни давом эттиришдан воз кечиши ёки уни амалга ошириш муддатининг тугаши ижро иши юритишни қайтадан тиклаш учун асос ҳисобланиши, медиация тартиб-таомилини такроран амалга оширишга йўл қўйилмаслиги, томонлар ўртасида ижро ишининг ҳар қандай босқичида медиация тартиб-таомилини амалга ошириш натижалари бўйича ижро предметида доир келишув расмийлаштирилган ҳолларда, давлат ижрочиси ижро иши юритишни тугатиши, бу жараёнга давлат ижрочиси ва давлатнинг бошқа органлари вакилларининг аралашуви тақиқланиши белгилаб қўйилди.

Медиация (лотинча *mediare* воситачилик қилиш) – *бу ўзаро мақбул ечимга эришиш учун низоларни ихтиёрий розилик асосида медиатор ёрдамида ҳал қилиш усулидир.*

Ўзбекистон Республикасининг 2018 йил 3 июлда қабул қилинган Медиация тўғрисидаги ЎРҚ–482-сонли Қонунида эса медиацияга қуйидагича таъриф берилади.

Медиация — келиб чиққан низони тарафлар ўзаро мақбул қарорга эришиши учун уларнинг ихтиёрий розилиги асосида медиатор кўмагида ҳал қилиш усули.

Медиатив келишув — медиацияни қўллаш натижасида медиация тарафлари томонидан эришилган келишув.

Медиатор — медиацияни амалга ошириш учун тарафлар томонидан жалб этиладиган шахс.

Ушбу Қонунига мувофиқ, медиация суд ҳужжатлари ва бошқа органлар ҳужжатларини ижро этиш жараёнида қўлланилган тақдирда фаолиятини профессионал асосда амалга оширувчи медиаторнинг албатта иштирок этиши талаб этилади.

Профессионал асосдаги медиатор фаолиятини Ўзбекистон Республикаси Адлия вазирлиги томонидан тасдиқланадиган медиаторларни тайёрлаш дастури бўйича махсус ўқув курсидан ўтган, шунингдек Профессионал медиаторлар реестрига киритилган шахс амалга ошириши мумкин.

Аксарият юридик адабиётларда низоли масалалар (муаммолар)ни ҳал қилишда тарафларни муроасага келтириш (яраштирув) натижалари келишув битими, медиатив келишув, даъвогарнинг даъводан воз кечиши, жавобгарнинг даъвони тан олиши каби процессуал ҳаракатларда кўринади. Масала (муаммо) нинг бундай ҳал ИЛИНИШИ суд Иарори (ажрими) ижросини таъминламда деярли Иийинчилик тугдирмайди, ижрони мажбурий таъминлаш чораларини Иуллашга ҳолат Иолмайди.

Оилавий медиация биринчи марта 1960 йилларнинг охири 1970 йилларнинг бошларида АҚШда пайдо бўлган ҳамда Ғарбий Европа мамлакатларида ривожланган. Ушбу амалиёт соҳаси ўз ичига никоҳдан ажрашиш ва эр-хотиннинг никоҳдан ажрашиш давомида юзага келган низолари, оиладаги авлодалараро низолар, мерос бўйича низолар, ижтимоий таъминот органлари билан боғлиқ оилавий низолар, асраб олинган болаларни қабул қилиш ва мослаштириш билан боғлиқ муаммолар ҳамда бошқа низоларни қамраб олади.

Болалар табиатан ғамхўрлик ва ҳимояга мухтож, деб ҳисобланадилар. Улар кўпинча ажралиш қурбонлари деб аталади. Бугунги кунда болалар нафақат эҳтиёжларга, балки ҳуқуқларга ҳам эга эканлиги тобора кўпроқ эътироф этилмоқда. Агар биз болаларни нафақат ғамхўрлик ва ҳимояга мухтож, балки муайян ҳуқуқларга эга шахс деб ҳисобласак, биз уларнинг тақдири ҳақида қарор қабул қилишга бошқача ёндашамиз, муайян қарор қабул қилишда уларнинг зиммаларига масъулиятни юкламай, улар билан маслаҳатлашиш, уларнинг фикрини тинглаш ва уларга ечим излаш кераклиги ҳақида ўйлай бошлаймиз. Боланинг ҳоҳиш истаклари ва ҳис туйғуларини инобатга олинишини таъминлаш ҳуқуқи БМТ Бош Ассамблеяси томонидан 1989 йилда қабул қилинган БМТнинг Бола ҳуқуқлари

тўғрисидаги Конвенциясининг 12-моддасида мустаҳкамланган. Ушбу моддада кўрсатилишича, болага тегишли тартиб қоидаларни бажариш билан боғлиқ ҳар қандай муаммоларни ҳал қилишда унинг ёши ва етуқлик даражасини инобатга олган ҳолда, унинг фикрлари тегишли тартибда инобатга олиниши керак.

Бироқ, ижро ишини юритишда медиация институтини ышлалаш амалиёти бугунги кунга қадар кутилган натижани бермади десак муболаға бўлмайди. Чунки, Бюродан олинган статистик маълумотларга кўра, 2019-2021 йиллар давомида ушбу институт ижро ишини юритишда бирор марта қўлланмаган бўлса, сўнгги икки йил давомида атиги 42 та 57,8 млрд. сўмлик (2022 йилда 9 та, 2023 йилда 33 та) ижро ишлари медиатив келишув асосида тамомланган ҳолос.

Вахоланки, бугунги кунда ижро ишини юритишда айнан ушбу институтда қўлалаш мумкин бўлган бир қатор ижро ишлари, жумладан алимент ва бир неча турдаги номулкий тусдаги ижро ҳужжатлари мавжуд.

ХУЛОСА

Бугунги кунда гарчи бирор бир қонун ёки қонун-ости ҳужжатлари билан зиммасига вазифа сифатида юклатилмаган бўлсада алимент ундириш тўғрисидаги ижро ҳужжатлари бўйича тарафлар давлат ижрочилари томонидан яраштирилиб келинмоқда.

Фикримизни қуйидаги рақамлар ҳам яққол исботлаши мумкин. Хусусан, Бюронинг статистик маълумотларига кўра, сўнгги уч йил давомида Бюронинг иш юритувида бўлган алимент ундириш ҳақидаги ижро ҳужжатлари бўйича 122 822 (2021 йилда 23 313, 2022 йилда 54 028, 2023 йилда 45 481) та оилалар давлат ижрочилари томонидан яраштирилгани қайд этилган.

Ушбу функциянинг давлат ижрочилари томонидан эмас, балки профессионал медиаторлар томонидан амалга оширилиши давлат ижрочиларига бошқа турдаги ижро ҳужжатларининг талабини бажаришлари ва жами ундирувлар самарадорлигини янада оширишга кўпроқ вақт ажратишларига имкон яратган бўлар эди.

Фойдаланилган адабиётлар рўйхати

1. Отахонов Ф. Медиация: тушунчаси, мақсади ва принциплари. Ўзбекистон Республикаси Олий Мажлиси ҳузуридаги Қонунчилик муаммолари ва парламент тадқиқотлари институти. Электрон манба : <https://lpri.uz/>
2. Семенова И.Ю. Особенности медиации в семейных отношениях. / «Экономика и права» №3/ 2018. – Б 66. Электрон манба <https://cyberleninka.ru/article/n/>
3. <http://lex.uz/uz/docs/3805227>. Кириш санаси 19.06.2024 й.
4. Лукьянчикова Е.Ф., Верецагина Е.А. Применение процедуры медиации в исполнительном производстве/ Международный научный журнал «Инновационная

наука", 2016 №2. /Электронный ресурс/; Медиация в исполнительного производства или на вооружении новые методы работы. Электронный ресурс/, Федеральная служба судебных приставов России. /Официальный сайт/; Федоров П. Р., Бобылева А. П. Медиация в сфере исполнительного производства [Текст] Право: современные тенденции: материалы IV Междунар. науч. конф. (г. Краснодар, февраль 2017 г.). - Краснодар: Новация, 2017. - С. 128-131. - URL <https://moluch.ru/conf/law/archive/225/11769/>.

5. Гордийчук Н.В. Особенности семейной медиации при разводах. / «Психология и психотерапия семьи» №2 / - М.: 2017. – Б 13. Электронная библиотека: <http://familypsychology.ru>.

6. Паркинсон Л. Семейная медиация. – М.: 2010. – Б 230.

7. А.О.Ҳамидов. Суд қарорлари ижросини таъминлашнинг ташкилий-ҳуқуқий асосларини янада такомиллаштириш масалалари. 12.00.07. – Суд ҳокимияти. Прокурор назорати. Ҳуқуқни муҳофаза қилиш фаолиятини ташкил этиш. Адвокатура Юридик фанлар бўйича фалсафа доктори (PhD) диссертацияси Т.:2024 Б.186.

8. А.О.Ҳамидов. Суд қарорлари ижросини таъминлашнинг ташкилий-ҳуқуқий асосларини янада такомиллаштириш масалалари. 12.00.07. – Суд ҳокимияти. Прокурор назорати. Ҳуқуқни муҳофаза қилиш фаолиятини ташкил этиш. Адвокатура Юридик фанлар бўйича фалсафа доктори (PhD) диссертацияси Т.:2024 Б.185.